

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Des. Erasmi Familiarium colloquiorum opus

Erasmus, Desiderius

[Heidelberg], [ca. 1615]

Vita avctoris

[urn:nbn:de:bsz:31-109179](https://nbn-resolving.org/urn:nbn:de:bsz:31-109179)

quidvis calumniādi febris, quid aliud gignit, quam amarulentiam ac dissidia? Quin potius aliena candidē interpretemur, nec statim nostra pro oraculis haberi velimus, nec eorum iudicia pro oraculis ducamus, qui quod legunt, non intelligunt. Vbi in consilio est odium, ibi cecum est iudicium. Pacificator universorum spiritus, qui suis organis variis utitur modis, faciat nos omnes concordēs & unanimes in sana doctrina, sanctisq; moribus, quo contingat, pariter ad cœlestis Hierosolyma, quæ nescit ulla dissidia, consortium pervenire, Amen. Anno 1526. 12. Calend. Junias Basilea.

DE S. ERA S. ROTERO-
dami Vita.

Desiderius Erasmus Roterodamus natus est, ad 5. Cal. Novemb. Anno Christi 1465. Roterodami Hollandiæ inferioris Germaniæ, quā olim Battavi incoluerunt. Trajecti primū in templo Cantor fuit, postea Daventriam venit, ubi præceptore usus est Alexandro Hegio Westphalo, qui cum Rudolpho Agricola, recenter ex Italia reverso, amicitiam contraxerat, & ab eodē Græcē docebatur. Orbatus paulō post utroq; parente, in Cœnobium Canonicorum, quos Latīna interpretatione addita, Regulares appellāt, tutoris improbitate, ex Daventriensi schola detrusus est: ubi Guilielmum Hermannum Goudensem, juvenem diligentissimum in literis sodalē aliquot annos habuit. Audita nominis ejus

Vid. Dominic. Baudij Epist. Centur. 2. Epist. 2. ubi in alia refert Erasmus a parentib; vocatū ē Gerhardtum. Gerhardt.

fama in aulam suam recepit eum Cameracensis
 Præsul, qui simul ingenium Erasmi cōtemplans,
 sumtibus eum instruxit, ut Lutetiam proficisce-
 retur, & illic Theologiæ Scholasticæ daret ope-
 ram, sicq; Scotista factus est in Collegio Montis
 agens. Cumq; vitam collegiaram duriorem ex-
 periretur, non invitus emigravit ad Anglum
 quendam generosum, adolescentes duos secum
 habentem: Atq; hinc cœpit in Anglia innotescere:
 in quam insulam paulò post concessit, à di-
 scipulis illis suis, domum regressis, invitatus. Ibi
 aliquandiu egit. Abiens ex Anglia, bonis ferè o-
 mnibus, antequam navem conscenderet est exu-
 tus. Demum persuasus ab amicis, quo tandem
 Italiam videret, cum filiis Baptistæ Boerii Ge-
 nuensis, Regii in Britannia Medici, Bononiam
 profectus est. In itinere cum socio Anglo Tau-
 rini, in Alpibus Gotiis, Theologiæ Doctor factus
 est. Bononiæ agens, cultum Canonicorum, quo
 usus fuerat, impetrato à Julio II. Pontifice di-
 plomate, non levi de causa mutavit, modò ve-
 ste sacerdotali uteretur. Interim libro Prover-
 biorum conscripto, Venetias profectus est, ut
 Aldo Manutio excudendum traderet, ubi ad
 tempus commoratus, nonnulla scripta exaravit,
 summorum & doctissimorum virorum consue-
 tudine usus. Sub id tempus Alexander, Jacobi
 Scotorum Regis filius, Archiepiscopus Ecclesiæ
 Divi Andreæ in Scotia, Patavi operam literis
 dabat. Is Erasmus in Rhetoricis sibi præcepto-
 rem

rem adsciscit, cum quo postea Senas commigravit, atq; ab eo com meatum impetravit, vicinam Romam invifendi, ubi cum maximo literatorum hominū gaudio & plaufu est exceptus. Oblata est Pœnitentiarī dignitas, ſi Romæ manere vellēt. Sed redeundum fuit ad Archiepiſcopum, cum quo poſtea Romam denuò adiit, ac ulteriorem ſimul Italiæ partem, Cumas uſque, perluſtravit, ac antrum Sybillæ, quod iſtic ab accolis oſtenditur ſubintravit. Poſt obitum Archiepiſcopi, admodum præclari juvenis, reditum in patriam inſtituit. Itaque per Alpes Rheticas, Argentoratum venit, unde ſecundo Rheno in Hollandiam veſtus eſt. Mox amicis ſuis Antuerpiæ & Lovanii ſalutatis, Angliam rurfus adiit, ubi inter cæteros, quos per multos eo loco ſui ſtudioſiſſimos habuit, à Waramo Cantuarienſi Archiepiſcopo, & totius Angliæ Primate. & Cancellario, non pecuniâ ſolùm, ſed etiam Sacerdotio Eccleſiæ Aldingtonenſis, in agro Cantuarienſi, donatus eſt. Interea cùm cognoviſſet pleaque ſua ſcripta Baſilæ ſub prælis Joannis Frobenii eſſe, motus & typorum ejus officinæ elegantia, diligentiâ ſimul editionis, ipſe quoque eò ſe contulit, ſimulans iter ad urbem, voti ſolvendi gratiâ, Receptus in ædes Frobenianas, plurimùm laboris ſcribendo exhaust, Poſt in Germaniam inferiorem propter negotia rediit. Mox Colonia Ubiorum fuit ſub conventum Wormatiensẽ. Solutis Wormatiensibus

bus Comitibus Basileam, propter librorum aliquorum editionem repetiit. Multorum Regum & Pontificum maximam benignitatem & munificentiam expertus est. Nec solum à Principibus honoratus est, sed etiam à civitatibus, si quas transiret: Lovanii Trilingue Collegium Erasmi suasu institutum est, ex opibus, quas Arriensis Præpositus, Hieronymus Buslidius, moriens in usus studiosorum destinârat. Atque ex eo instituto motus Franciscus Galiarum Rex Erasmus per literas evocavit, ut simile Collegium Lutetiæ Parisiorum ejus consilio institueretur: verum causæ aliquæ intervernerunt, quæ protectionem illam impedierunt. Friburgi propriam domum emit, quam post septimum annum vendidit, ac Basileam cum universâ suppellectile ad Hieronymum Frobenium reversus est, simul ut cœli mutatione reliquias morbi discuteret. Interim articularis morbus, qui aliquandiu conquieverat, rursus eum corripit, ut se loco movere nequiret, frustra cœlo mutato. Sic languentē & viribus destitutum, dysenteria fermè mensem integrum vexavit, & paulatim exhaustum in summa æquanimirate & tolerantia tandem in ædibus Hieronymi Frobenii. Id. Jul. Anno Christi 1536. cum natus esset annos 70. menses 8. dies 15. sub mediam noctem extinxit.

Quum autem vitæ finis instaret, clara Christianæ patientiæ, & animi religiosi documenta edidit,

edidit, quibus in Christum se spem omnem figere, restabatur, assidue clamans: O Jesu misericordia: Domine libera me: Domine fac finem: Domine miserere mei. Et Germanica lingua, *Siuer Gott / hoc est, Chare Deus.* Testamentum condidit, in quo clarissimum virum Bonifacium Amerbachium Jureconsultum nominatim heredem fidei commissio, de bonis suis in pauperes etate valetudineve infirmos, in puellas nupturas, ut harum pudicitiae succurratur, in bonae spei studiosos adolescentes, ac in quosvis hujusmodi dignos auxilio distribuendis collocandisq; honoravit: adjunctis eidem duobus executoribus: Hieronymo Frobenio & Nicolao Episcopo Statura fuit infra proceritatem, supra tamen notabilem prorsus humilitatem: corpusculo satis compacto & eleganti; sed quod esset tenerrimae complexionis, & minimarum etiam rerum mutatione facile offenderetur. In senio quoq; crebris calculi doloribus obnoxius, Cute corporis & faciei candida, capillitio in juvena subflavo, oculis caecis, vultu festivo, voce exili, lingua pulchre explicata, cultu honesto & gravi, memoria felicissima, ingenio comico, in amicitia constans, in egenos, maxime vero in bonae spei & indolis adolescentes studiosos, viatico destitutos, liberalis. In convictu comis & suavis, citra omne supercilium: ut non immerito *ἐρασμιος* dictus fuerit.

*Vita Erasmi m. scripta e à Paulo Merula,
Profess. Histor. in Acad. Leidens.
Lugd. Bat. 1607. in 4to.*

IN DEX